

## **Historijski dan za odnose Bosne i Hercegovine i Kanade**

Gospodin Brian Masse, član Kanadskog parlamenta i sponsor Rezolucije o genocidu u Srebrenici i Bosni i Hercegovini koja je usvojena u Parlamentu Kanade, informisao je Kongres Bošnjaka Sjeverne Amerike, ogranak za Kanadu da je uspostavljena Kanadsko-bosanskohercegovačka parlamentarna grupa prijateljstva 15.11.2011 u rukovodnom sastavu:

**Chair: Mr. Dave Mackenzie, MP,**

**Vice Chair: Mr. Brian Masse, MP,**

**Vice Chair: Mr. Bernard Trottier, MP,**

**Executive Member (Treasurer): Mrs. Nina Grewal, MP,**

**Executive Member: Senator Raynell Andreychuk.**

Grupa trenutno broji 26 članova Kanadskog parlamenta.

Posebnu zaslugu za formiranje Kanadsko-bosanskohercegovačke parlamentarne grupe prijateljstva imaju: **Nj. E. Biljana Gutić-Bjelica, ambasadorica Bosne i Hercegovine u Kanadi, MP Nina Grewal i gospođa Dženita Hozo.**

Takođe za formiranje Kanadsko-bosanskohercegovačka parlamentarna grupa prijateljstva zasluge ima i bosanskohercegovačka dijaspora u Kanadi, predvođena Kongresom Bošnjaka Sjeverne Amerike i Institutom za istraživanje genocida Kanada.

Kanadsko-bosanskohercegovačka parlamentarna grupa prijateljstva će osigurati podršku Kanadskog parlamenta neophodnim političkim i ekonomskim reformama u Bosni i Hercegovini, unaprijediti saradnju Kanade i Bosne i Hercegovine, te saradnju parlamenta dviju zemalja i predstaviti vrijednosti bosanskohercegovačke države i društva u Kanadskom društvu i državi.

Poslije priznavanja bosanskog jezika u Kanadi, upotrebe narodnog imena Bošnjak u kanadskim političkim i statističkim dokumentima, usvojanja Rezolucije o genocidu u Srebrenici i Bosni i Hercegovini u Kanadskom parlamentu, formiranjem Kanadsko-bosanskohercegovačka parlamentarna grupa prijateljstva se zaokružuje, ali ne i zaustavlja proces lobiranja za bosanskohercegovačke interese u kanadskom društvu.

Prof. Emir Ramić

Predsjednik Kongresa Bošnjaka Sjeverne Amerike, Ogranak za Kanadu

